





Neb. 9





9







Die außlegung
dieses sprichworts / Die Sile
ni Alcibiadis. durch hernn
Grasmū von Rotterdam /
im latein gemacht / foller
allerley tugent / allen
Senden der heyli
gen Christeheyte
zugehörend /
volgende
verteü
tscht.
+



Zu dem Leser.

Hie hastu eyn kleyn büchlen/ aber warlich foller guten ler/ vnterricht/ vnd vnterweisung allenn stenden der gangenn Christenheyt dienstlich. Darumb wollest nit beschwerung haben es mit fleiß zu lesen/ vnd Gott zu bitten/ vns allen sein gödlich gnad zu verleihē/ vns darnach zurichten vnd halten/ vnd kurtzlich inn allen dingen/ sachen/ vnd hendeln. Gottes ere vñ vnserer nechsten fürderung suchen. Amen.

M. v. xv.





Die Sileni des Alcibiadis werden geacht bei den hochgelerten zu eynem sprichwort wordē sein / wie sie dan in den zusammētragung vñ außzügen der Griechen / für eyn sprichwort gemeldet werden / welchs man gebrauchen mag / entwer von eynem ding das im schein / vñnd als man pflegt zu sagen des ersten ansehens gering schen öd vñnd spötlich geacht wirt / aber wenn es eynem inwendig vñnd in der nehe ansyht wüdersam ist / oder aber von eynem menschen der mit der kleydung vñnd angesicht vyl weniger anzeygt vñnd von sich gibt dan er im gemüt verschlossen hat / dan sie sagē daß die Sileni seint gewest kleyne geschnitzte bildlen vñnd also gemacht / daß sie haben mügen zugelegt vñnd geoffent werden / welche verschlossen ein spötliche vñnd wydernatürliche gestalt eynes zineckenblers hettē / aber geoffent bald eyn götlich bildnuß antzeygten / also daß der schimpflich irthumb die kunst des schnitzers desto annemer machet. Nun ist die ursach derselben bildnuß genōmen wordē vō dē spötlichen Sileno des Bacchus lernmeyster / vñnd poetischē gōtternarren / wenn die poeten haben auch gleich wie vnser fürsten jr gelechtmacher vñnd kurtzweiler / als d Alcibiades bei dē Plato im wollebē dē Socrates wolt lobē / vergleicht er in solche Silenis

Was die Sileni seint.

Socrates.

Auslegung diß sprichworts

darumb daß er vyl anders gesitt were/dañ er auß
der eussern kleydung geacht würd / welchen wenn
eyner wie man pflegt zü redenn nach der oberstenn
haut geschätzt/hett er inen nicht vmb eyn pfenning
kaufft. Er hat eyn beürisch gestalt/eyn ochssisch ge-
sicht/vffgeworffene nasenlocher vnd foller rotz/also
daß ynen eyner hett eyn narren/thorn vnd vnuer-
stendigē man genent. Er hat geringe kleydung an/
eyn schlechte geringe vñ gemeyne red/als der stetigs
von führleüte/schüßtern/ledrern/gerbern/zimmer-
leüten vnd schmyden/wañ doselbther nam er seine
einführung vnd rede. Er was von geringem glück/
vñ hett eyn solchs eeweib/daß auch d' allerschlimst
böler nicht kunt erleiden. Man hielt es dafür er hett
grossen willen zü schönen knabenn/man hielt ynen
für ein büler vnd eiferer, so inen doch auch der Alci-
biades befund von solchen neygung vnd bewegung
des gemüts vffs allerfernst sein. So hett auch diser
ewiger schimpff ein ansehen eynes narren. Nach dē
die zeit vnder den narrē der eergeitz die weißheyte of-
fentlich zü lernen biß zü der vnsummeit hitzet/vnd
nicht ein eyniger Gorgias war/der sich berümet/er
wust alleding/vnd ym wer nichts vnuerborgen/
vnd alle ding sachen vnd hendel solcher vnhetigen
vermessenen berümer foll warē. Saget der Socra-
tes alleyn/dz er das alleyn wust/dz er nichts wust/
man hielt ynen zü allen ampten des Regimentis vn-
tüchtig, also das als er eyns tags/nicht weyß ich
was angefangen hett vor dem volck zü reden/mitt
gelechter weggetryben würd. Aber wenn du disen

Die Sileni Alcibiadis.

spötlichen Silenum geopffert vnd vffgemacht hett/
test/so hettestu mer eyn Gott dan eyn menschen ge-
funden/eyn ser groß hoch/vnd warhafftiglich phi-
losophisch gemüt/alle ding/darum die andern men-
schen alle lauffen/rennen/schiffen/engstlich arbey-
ten/zancken/kriegē, verachtend/vberhabē vber alle
iniurien/vnnd in den das glück keyn gewalt hett/
vn̄ so gar sich vor nichten fürchtet/das er auch den
todt vor dem sich alle mensche fürchten veracht hat/
So ser dz er die wütscherling gleich mit dem angest-
cht getruncken hat/als er pflegt den wein zütrinckē
vnd das er in seinem sterben auch mit seinē phedon
schimpfft/vnd ynen erinnert/das er sein gelübdnis
bezalt vnd dē Esculapio den han bezalet/eben also
hett er eyn arznei genomen/vnd fületh nun die wol-
that der gesuntheit als er vom leichnam schyde/do-
her alle Franckheit des gemüts quellen vn̄ erwach-
sen/derhalbē nicht vnbillich als die zeit alle örter fol-
ler weisen leüt waren/diser narr alleyn durch göt-
lich anzeygung für eyn weisen erkant wart/vnd ge-
schätzt mer zü wissen/der nichts wust vn̄ kunte/dan̄
die sich rünten alle ding wissen. Ja er würd darum
geacht mer wissen dan̄ die andern alle/das er allein
gar nichts wust/noch kunte. Eyn solcher Silenus
ist gewesen der Antisthenes/der mit seinem stab/sack
vn̄ mantel der allergrösten Königreichumber/ver-
mügen/vnd güter vbertraff. Eyn solcher Silenus
ist gewesen der Diogenes in gemeyn für eyn hundt
gehalten/aber in ym hett der groß Alexander etwas
götlich vermarckt/eyn spitz gibel vorzug vn̄ gröst

Antisthenes.

Diogenes.

Auslegung diß sprichworts.

hoch aller fürsten/wie es dafür gehalten wurd/als
er sich ob der größe seynes gemüts verwundert/
vnd saget/er wolt wünschen/wenn er nicht Alexā
der were/das er Diogenes were. So er im doch mer
solt gewünscht haben/des Diogenes gemüt darüb
das er Alexander war. Kein solcher Silenus ist
gewest Epictetus ein leibeygen man/arm/vnd lam
als sein grabschrifft antzeygt. Aber/welchs das
allerseligst ist/den heyligen angenehmen/das allein die
redlichkeit des lebens gibt/mit der weyssheyt zusam
men gefügt. Dann dis ist die natur der warhafftig
lich erbarn vnnnd redlichen ding / was sie fürnem
haben/das verbergen vnnnd verstecken sie auff
s innerst. Was sie das verechtigst haben / das zeygen
sie des ersten ansehens an/vnnnd verhehlen vnnnd ber
gen den schatz gleich als vnter eyn geringen rinden
oder schelffen/vnnnd weisen es den gemeynen augen
nicht. Aber die art vnnnd eygenschafft der gemeinen
vnnnd schettlicher vngewisser ding ist vil anders ge
than/wan sie seindt des eussersten ansehens lieplich
vnd was sie des schonsten haben/das selbig zeygen
sie bald den/die inen zukommen. Wen du aber vleys
sig hineyn sibst/so seint sie nichts weniger/dan das
sie mit irem tittel vnnnd gestalt antzeygen. Ist nicht
Christus. Christus ein wüdersamer Silenus gewest/so sich
anders zümet dermassen von im zu reden Welchem
Eristen. ich warlich nicht syh warumb nicht alle menschen
ires vermüges nachfolgen sollen/die sich des Christ
lichen namens fröwe vñ berüme. Wen die eusserst ge

Die Sileni Alcibiadis.

stalt des Silenus ansyht / w3 ist doch nach gemey
ner achtung verworffeners od verachters. Er hat ge
habt geringe vnd vnbeante eldtern / ein cleyne heufl
len / ist selbst arm gewesen / hat wenig vnd ser arme
schüler gehabt nicht aus der grossen hern hofe / nicht
vonder gleisner vnd phariseyer stulen / nicht auß
der philosophen vnd weltweisen schülen / sondern
vom zoll vnd von netzen angenommen. So ist
auch sein leben o wie fern gewesen von allen wollu
ste. Ist auch durch hunger / durch mattheyt / durch
lestering / durch spott / entlich auch an das Creutz
kommen. In disem teyl hat inen der heylig propheet
angesehen / do er inen abkuntzerfeyet / vnd sagt /
Er hett weder gestalt / noch schöne Wir haben inen
gesehen / vnd er hett keyn ansehen / vnd wir habē
inen begert veracht / vnd den allerletsten aller mens
ner / vnd andere dergleichen spruch vil die diser
meynung hernach folgen. Wenn man nun disen
Silenum mag geoffent ansehen / das ist wenn er
sich gereweth jemanths mit gereynigten augen des
gemüts züzeygen vnd weisen (O du ewiger Gott)
wie ein vnaussprechlichen schatz wirstu in wie
grosser schndikeit finden / wie ein kostlich perlen / in
wie grosser nydugkeit / wie ein grosse hohe / in wie ei
ner grossen armüch / wie grosse reichumb / in wie
grosser schwachheit / wie ein vndehtliche stercke / in
wie einer grossen schand / wie ein grosse ere vnd
glorien / in wie grossen arbeyten / wie ein volkom
mene rüwe. Endlich / in eynem so bitteren todel

Auflegung des sprichworts

ewigen brunnen der ewikeyt vnd vnsterblichkeyt/
Warumb schewen sich die so fer vor diesem bild die
sich dennoch seiner titeln berümen? warlich es wer
dem hernn Christo nicht schwer gewesen/ das oberst
haupt regiment der gantzen welt an sich zübringen/
vnd das zübesitzen darnach in vorzeiten die Römi
sche fürsten vergeblich gestanden vnd getracht ha
ben/ mit des antzal der trabanten die Xerses oder Kö
nige zü Persien zü vberwinden/ mit reichthumben
die Cresos oder Könige zü Lydien vbertreffen/ allen
philosophis oder weltweisen eyn still schweigen vff
legen/ vnd das eitel vnd vergeblich weiß sein nemē/
aber diese eynige form/ gestalt/ vnd muster hat im
gefallen/ seinen schülern vnd freunden/ das ist den
Christen für zü legen. Diese philosophi oder weiß
heyt/ die von der philosophen aussatzung/ vnd von
der weise vnd manyr der werlt/ inn die lenge vnd
weit fer ferr ist. Sondern die philosophi oder weiß
heyt welche alleyn vnter allē welchs sich die andern
durch andere wege zü erlangen vntersteen / als
nemlich die seligkeyt/ solche Sileni seint in vorzei
ten gewesen/ die propheten/ verweiste/ inn frembden
landen sich enthaltend/ in wüstnung umbziehend/
yr leben bei den wilden thieren zübringend/ yr le
ben mit geringen kreütlen erhaltend/ in schäff vnd
zegenfellen gekleydt/ aber der hat dieselben Silenos
inwendig angesehen/ der do gesagt hat/ dieser ist die
welt nicht würdig gewesen/ eyn solcher Silenus ist ge
west sant johās d' tauffer d' bedeckt mit Camel harē

Propheten.

Sant Johās
der tauffer.

Die Sileni Alcibiadis.

gegürt mit eynem liddern gürtel / hat weyt überwun-
den der kōnyge sammeth vñnd edelgesteyn / Fraut
essend hat aller fürsten lust vñ gute pissen übertrof-
fen. Wann der sah / was für ein schatz vnter dem
peirischen mantel verborgen war / der mit disem
wundersamen lobgetzeugniß die summa vñ gantz
anzal seiner tugēt begriffen / sageth / Vnter den sōne
der wiber / ist kein grösser / dann sanct Joannes der
tauffer auffgestanden. Sölche Sileni seint gewesen
die aposteln oder zwölff botten arme / vngezierte / vñ
vngelärte / vnädle / vngewäldtige / verachte / alle al-
ler menschen schmehung vnterworffen / verlachte /
hessige / verflüchte / vñd schier ein gemeyn hass vñd
spott der gantzen welt. Aber thū mir den Silenium
auf. Welcher wütrich oder tyrann möcht mit diser
gewalt vergleicht werden / die mit denn Worten bes-
herrschen die bösen geyst / mit dem wincken stillen die
wütende meer / mit dem wort die toten widerumb
lebendig machen ? Welcher Cresus gegē disen wirt
nicht für arm geacht ? die allein mit irem schatten
den Francken die gesundtheit gebē / die allein mit der
berührung der handt den himlischen geyst mitteilen.
Welcher Aristoteles sol nicht gegen disen vergleicht
für ein narrē / vngelärte / vñ ein vnnutzer schwetzer
geschätzt werden ? Welche aus dem brunnen die
himlische weißheit geschöpft haben / gegen welcher
alle mēschliche weißheit ein lauter torheit ist. welchs
den gesagt sey / die es für das höchst vnrecht halten
des Aristoteles ansehen irgents zū widerfechten.
Auch hat das reich der himmeln das bildnuß des

Die heyligen
zwölff botten.

Aristoteles.

b

Auslegung diß sprichworts

senffkorns gehabt / der gestalt deyn vnnnd verachte
aber der crafft vffs größt. Mit welchem myßhellig/
irrig / vnd vneinig ist / wie ich gesagt hab / als man
sagt allenthalben die weise vnnnd manyr diser welt.
Martinus. Ein solcher Silenus ist gewesen der verschmecht /
Die bischof= verlachtet vnnnd verspott Martinus. Solche leuth
fen in vorzey seindt gewesen die aldre bischove in vorzeitē / durch
ten. die diemüt hoh / durch die armütreich / durch verach
te ere / erenwürdig / vnnnd hochgeert. Es seindt auch
heutiges tags etliche güte Sileni / aber leider vil zū
wenig. Der merer teyl der leuth geben vnnnd erzeigē
den verberten vnd hinderwertigen Silenium. Wen
einer die crafft vnd natur der ding gantzlich ansyht
so wirt er befinden / das nymannts vō der warhafftī
Weißheit: gen weißheit ferrer ist / dan die mit prechtigen titeln
die mit weisen hütlein / die mit scheyngē gürteln / die
mit edel steynern / ringē / volckommene weißheit für
geben / so ser / das man offte mer warhafftiger vnd
bestendiger weyßheit in eynem geringen mēndlen /
nach des gemeynes folcks meynung / eynem schlech
ten vngelerten leyen vnnnd halben narren / des ges
Scotus. müt nicht / als sie inen nennen / der subtil Scotus /
sondern der hymlich geyst Christi gelernt hat / dan
in vil ertichten lernen vnd schemparten der theolos
gen oder heiligenschrifftern / vnd magistris nostris
die von irem Aristoteles auffgeblosen / vnd mit de
hauffen der meisterlichen definition beschreibung /
beschluß / vnd setze gefült seint. Wer syht man auch
in keinen leuten weniger des warhafftigen adels
Adel. seyn / dan in den rümreytigen Thrasonibus sie sich

Die Sileni Alcibiadis.

mit alden blütstammen vnd herkommen/die sich mit gulden halbringen/die sich mit scheinbarn zünamen des höchsten adels berümen. Auch niemants ferrer von der warhafftigen starckmütigkeit vnd vestigkeyt sein. Dañ die von wegen des freuels vnd frechemüts gemeiniglich für die allersterchsten vñ vnüberwindlichen geacht werde. Nyemants verechtlicher vñ vnerlicher knecht vñ leybeygē sein/dañ die sich/als man sageth / den Göttern am nechsten vñ aller menschē hern achten. Nyemants so vnglückselig/als die sich für die glückseligste haltē. Nyemants ermer arm sein/dañ die das gemeyn folck für reiche ereth. Nyemants weniger Bischofen sein/ dann die vnter den bischouen die fürnemste seindt. Vñ wolt Gott/das dis auch nicht wahr/ dz zū mermaln die

Geystlichen

am aller ferrste vñ d' warhafftige geistlichkeit seindt die mit dē titel/die mit der cleydüg/die mit den Cerimonien vñ eusserliche ertzeigüg volkomene geistlichkeit fürgebē. So ser alles das in aller art der ding fürnē vñ fürtrefflich ist/dasselbig ist d' außgescheynt entzogē. In den baumē seind die blüt vñ bletter den augē lieplieh. Der gätzbaum bereyt vñ erzeygt sich in die weyt. Aber der sam/in welchem die aller gröst crafft aller ding ist/wol ein cleynding ist er/wol verborgē ist er/wie gar gibt er sich nit in dz gefallē d' augē/wie gar erzeygt vñ lest er sich nicht sehē. Dz gold vnd die edelgestein hat die natur in die alertieffste örter verborgen. In den elementen/wie man sie heyst. Je fürtrefflicher ein jetlichs ist/je ferrer ist es von den sinnen abgeschyde/ als die lufft vñ dz feur/

Dz aller best in allē dinge ist verborgē.

Auslegung diß sprichworts

In der art der thyer/was das aller best vnnnd aller
crefftigst ist/dasselbig haben sie in den allerinnerster
teylen verborgen: Im menschen das am meyster
göttlich vnnnd vnsterblich ist /dasselbig mag allein
nicht gesehen werden. In einer jlichen art der ding
die macery der geringst teyl wirt am meisten durch
die synn begriffen. Aber das am allermeysten zum
leben dient/wirt am wenigsten durch die sin gefült/
als nemlich der geyst. Endlich/in der ganzen welt
die ding die am meisten wesens haben/ werden am
wenigsten gesehen/ als die abgesünderte substanzē
wie sie die nennen/vnd das in denselbē das höchst
ist/dasselbig ist am meistē von den sinnen abgesün-
dert. Als nemlich gott/ so ser/ das er mag wider ver-
standen noch gedacht werdē/so er doch ist der eynig
Sacrament. brunn aller ding. Iha man kan auch in den sacra-
menten der kirchen ein bildniß der Silenorū finde.
Du syhst das wasser/du syhst das saltz/ vnd dz öl/
gleich als die eusserst gestalt des Sileni. Die hym-
lisch crafft syhstu/noch hörestu/vnd wenn dieselbig
nicht all da ist/so ist das ander alles lauter betrug/
Die heylig vnd narrenwerck. Vñ habē die heymliche verbor-
gen vnd götliche schrift auch ir Silenos / wen du
vff dem obristen vnd eussersten boden bleibst / so ist
es zu weil ein spötlich ding. Wenn du bis zu dem
hymlichen hohen verstandt kompst / so erestu die
göttlichen weißheyt. Dann von dē alden testamēt
Alt testamēt. zureden/wenn du nichts ansybst dann die geschichte
vnd historien/vñ hörest das Adam auß dē schleym
gemacht/ sein weib auß seiner seiten / do er schlieff

Die Sileni Alcibiadis

heymlich genommen/die schlangen mit der lust des
obs das weyblen anfycht / das Gott an der lufft
ymbgeet / das ein schwert die thür verwaret / vff dz
die verweisen sich nicht widerumb eindringen /
meynstu nicht es sey ein meerlen auß des Homerus
werckstat erwachsen? Wenn du des Loths vnkeusch
heyt / lifest des Davids eebruch / vñ das in des Kald
ten alden schos ein meydlein rüweth vnd leygt / die
hivische ee des Dsee / solt nicht eyner der züchtige vñ
schämige orē hat / es als ein vnkeusch merle scho wē?
Aber vnter disen hütlen vnd decklen / o ewiger Got
wie ein scheinbare weißheit ist verborgen? Die euang
gelischen gleichniß vnd beyspil / wenn man erstlich
die rinden acht / vnd allein den text ansieht / wer hielt
sie nicht für eynes schlechten vngelernten menschen
red? Wenn du aber die nuß auffbrichst / warlich so
wirdestu finden die heimliche vnd warlich götliche
weißheyt / vnd gantz etwas / das dem hern Christo
vffs aller eynlichst ist. Vnd damit ich nicht ein jet
lichs in sonderheit anzeygend zū lang werd. Eben
als ein jetlich ding in den naturlichen vnd geist
lichen dingē das allerfürtrefflichst ist / also wirdestu
sehen es am aller meisten verborgen / vnd von den
wellichen augen am ferersten seind. Demassen in
deren erkentnuß der ding / ist allezeit die recht vnd
bestendig warheit vffs tieffst verborgen / die wider
leichtlich noch von viln erfahren wirt. Das grob ge
mein folck / weil es verkerlich vñ vnrecht vrteylt / als
auß den dingen / die am meisten durch die leypliche
sinn begriffen werden alle ding ermessend / felt vnd

Das euange
liū oder new
testament.

Auslegung diß sprichworts

Die Könige/
Fürsten/ vnd
Herren.

Etlich Ampt
leuth.

Etlich priester

Ist es gemeiniglich / vñ wirt durch die falschen vñ vnrechten bildnuß der güte vñ bösen ding betrogē vñ heldeth die verkertē vñ bösen Silenos in erē/wir dē vñ wundersamen ansehē. Ich will vō den bösen redē/vñ die frūmen nicht beleydigē. Ja auch die bösen nicht/wañ ein gemeyne red vnd disputation vō den lastern vnd vntugenten betrifft keiner person iniurien/ vnd reicht nyemants zū vnereu vñ vnd beschwerung. Vnd wolt Gott das ir weniger weren/ die dise ding möchten angeen. Wen du den scepter/ die cleyner/das hoffgesin syhst/ vnd die titel hörest/ den durchleuchtigsten/den gnedigsten/den durchleuchleuchtigen/ Erestu nicht den fürsten für ein iudischen gott/ vñnd heldest es dafür du sehest etwas größers dan ein mēsch ist. Aber du den hinderwertigen vnd verkerten Silenium auff/ so wirstu finden ein tyrannen vnd wütrich/ein feynd der vntertanen / ein myßgünstigen des gemeynen frids/ein meister zwoytracht vnd vnfrid zūmachen/ein vnterdrucker der frummen/ein gifft der geschriben recht/ein zerstörer der stete/ein schinder der kirchē/ein rauber/ein kirchē dieb / ein vnkeuscher/ein spiler/ vñnd Fürzlich/wie d Kriechēsprichwort laut / ein Ilias das ist ein überschütter hauff der übel vñ vntugēt. Er seint die mit dē tittel vnd der gestalt sich ertzeygē als amptleut vñ vnterhalter des gemeinen nutz/ so sie doch in der warheit seint wölff vñ rauber d stat vñ gemeind. Es seint wol etliche/welcher beschorn schedel so du ernyßt sie für priester erest/wenn du sie aber inwendig recht ansyht/sie meer dan leyē besin

Die Sileni Alcibiadis

den wirstest. Villicht möchtestu auch etlich bischo
fen finden/welcher geworliche benedeyung vñ segē
so du ansybst/wenn du ein aug hast auff die newe
zierheyt/vnd cleydung/auff den hüt von edelsteyn
vñ goldt gleyfend/auch auff den edelsteynern stab
vñnd kurtzlich/die ganze geistliche rüstung vō füß
auff anden kopff/so versehstu dich eynes hūmliche
mans/vñnd merers dann eynes menschen. Wend
den Silenium vñnd/so wirstest nichts anders fin
den dan ein kryeger/Kauffman/vnd entlich/tyran
oder wüttrich. Vnd wirstest dieselben prechtigen cley
nach ein gauckelspil geweest sein achtē. Er seint etlich
vnd wolt Gott das sie nicht weyt vnd breyt weren/
welche/so man dem langen bart/der bleychen farb
der kappen/dem gebogen halß/der gürtel/der ernst
hafften angesicht nachschätzē wolt/so hielt er sie für
Serapiones vnd Paulos. Wenn du sie aber auf
thüst/so wirstest finden lauter büben/prasser/bes
trieger/hürn iheger. Jha rauber vñnd tyrannen.
Aber eines andern wegs/vñnd weyß nicht ob eynes
gifftigeren vñnd ferlicheren/so wil heymlicher vñnd
verborgener er ist/vñnd gantzlich/wie mag Polen
für den schatz vñnd barschafft. Abermals thū ich
erinnerung das sich an diser meynen anzeygung
nyemants wölle ergern/weil nyemants mit nao
men genent wirt. Ist eyner nicht eyn solcher/so
gedenck er/es gee inen nicht an. Erkent er aber
sein übel vñnd vnzugende/so soll er es dafür haltē
das er sey erinnert wordē. Der frum sol sicher frōwē/
der böß vñnd schuldig soll mir dancksagung thū.

Etlich bischo
fen.

Etlich Clens
ner vñnd ein
del.

Auslegung diß sprichworts

Etlich mēschē Endlich seint etlich weyt vnd breyt in aller art der menschen / welche / so du die gestalt des leichnams ansyhest / siemenschen vnd fürnemmen vñ hochfrumliche menschen nennest. Wen du den Silenium aufthust / so wirstu velleicht inwendig ein saw / oder lewen / oder beren / oder esel velleicht finden / vñ wirt im etwas anders begegnet / dan in der poete merlet wirt angezeygt / von der Circe zaubery. Dann bey der Circe hetten sie die gestalt der wilden thyer / vnd das gemüt des menschen. Aber dise bedecken vnter der menschliche gestalt mer / dan ein wildes vnd vnvernüfftigs thyer. Dagegen seint auch wol etliche welche du der gestalt nach / wie gesagt ist / kaumeth für menschen hieldest / so sie doch in dem innern teyl des gemüts ein engel verbergen. Derhalben ist die vnterscheid des weltlichen vnd des Christen in dem das der weltlich die gröste vnd sichtbare ding am meisten ereth vñ nachhüt / was aber demselben vngemes ist / entwer veracht / oder aber zu vnderst setzt. Aber der Christ / allein den dingē nachtrachtet vnd folgeth / die in keyn weg geschehen werden / vnd vffs ferrest von der natur vñ eygenschafft der leichnam gewichen seint / vñ das ander alles entwer übergeeth / oder aber verächtlich annimbt / vñ das ganz vnteyl der ding auß den innersten nympt / vñ zeucht. Vnter den gütern / wañ also nēneth der Aristoteles die ding die den menschen nicht eygentlich belangen / seint die reichüber oder die zeitliche güter die letzten. Aber bey dem gemeynen folck / iha scheier bey allen menschen / der richtumb besitzt / er hab sie

Die vnter =
scheyd des
weltliche vñ
Christen.

Richtumb.

Die Sileni Alcibiadis.

erlangt wie er wolle / dieselben begeren alle mensche
vber fels / vn̄ durch ferner. Die nechste stat darnach
hat die scheinbarkeyt des geschlechts / weñ niches mer
darzu kumbt eyneitel vnd spölich namen / wirt der
für eyn halben Gott gehalten / der die ordnung des
blüts vnd geschlechts mag vff den Codrus von A
then / oder vff den Brutus von Troia / welcher ich
nicht weys ob er ye geborn ist / oder vff den ertichten
Hercules ziehen kan / vnd ist der vnbeant / der ym
durch schrift vnd tugent eyn löblich vn̄ rümllich ge
rucht gemacht hat. Ist der durchleucht des vierter
anherr im Krieg eyn gestrengen todtschleger gebenn
hat / vnd ist der eyn gemeyner geringer man / vn̄ hat
keyn wapen vnd schildt / der mit den gütern des ge
müts der gätzen welt ist nütz vn̄ fürderlich gewest.
In dem dritten glyd seint die güter des leichnams /
vnd wer eyn grossen / starcken / schon / vn̄ vesten leib
hat / denselben werffen sie wol nicht auß der antzal
der glückseligē / aber doch also / das nichts dester we
niger die reichumber die höchsten / vnd der adel die
nechsten ere vnd wird darnach hab / vnd vmb das
gemüt ist die letzt sorg / weiter das gemüt weñ du es
sant Pauls meynung noch in drei teyl abteylest / dz
fleysch / die sel / vnd den geyst / dan ich will sein wort
gebrauchē / dē vndsten teyl der gätz sichtbar ist / vn̄
den sant Pauln gätz verdampft / nymbt dz gemeyn
folck am meistē an / den mitteln teyl / dan sant Paul
nicht anders lobt dan weñ er dem geist am nechsten
kumpt loben vyl. Aber den geyst vnsern allerbesten
teyl / von dem als auß dem brunnē all vnser selikeyt

Das herkö =
men des ge
schlechts.

Dy güter des
leichnams.

Das gemüt.

Auflegung diß sprichworts

Der geyst.

Woher das
vnrordenlich
vrteyl kumbt

Lieben.

Gerechtigeyt

kumbt / vnd durch welchen wir werden mit Gott
zusammen gefügt vnd vereynigt / des achten so gar
nicht / daß sie auch das nicht fragen vnd suchen /
ob der geyst sey vñ was der geyst sey / von dem doch
sant Paul so vyl vermeldung thüt / vñ do her kumbt
das verkert vnd vnrordenlich vrteyl des gemeynen
folcks von den dingen / also daß sie vff die ding den
sie die fürnemst vnd gröst ere haben sollen ertzey-
gen / gar keyn vffsehen vnd achtung haben / vnd die
ding so man hat sollenn mit höchstem fleiß begern /
für die aller verechtlichste halten / derhalbē wirt das
goldt den schrifftten / das altherkommen des geschle-
chts der erbarkeyt / die gaben des leibs den gütern
des gemüts / fürgesetzt / vnd der warhafftig gotts-
dienst höher / geringer dan die eusserlich ertzeygung
gehalten / die gebott Christi dan die gesetz der men-
schen / der schein dan die warheyt / der schatten dan
die ding / die angestrichē dan die angeborne / die hyn-
fellige dan die beständige / die kurtz wirige dan die e-
wige. Volgend fließen auß den verkerten wening
auch verkerte namen der ding / das hoch ist nennen
sienyder / das bitter süß / das köstlich vñ teur wol-
feyl vnd gering / das leben den todt / vnd do mit ich
eyn wenig mit namen vnter andern angreiff / man
sagt die lieben die entwer durch verziehung verder-
ben vñ verfürē / oder die eyn vmb sein keuscheyt vñ
güt gerücht bringē wöllē / wz mag dan feintlicher
vñ vnholtseligers sein dan diß? Sie heißes gerechti-
keyt wen vbel mit vbel / mißhat mit mißhat ober-
wundē / wen entpfangē beleidigug mit grossem wu.

Die Sileni Alcibiadis.

cher vergleicht wirt/dē heldeth man fur vngeschickte
zu dem eelichen stande, der in vnbesleckt/ vnd so vyl
er mag der iunckfrauschaft/vffs aller eynlichst/vn
dem vntzuchtigen wesen vnnnd leben vffs vngemest
erfordert / den heyst man eyn verrerer vnnnd feindt
des fürstenn der do will daß ym nichts vber das be-
schryben recht vnd anders dann die billickeyt getzy/
me/das ist der do wünscht dz er warhafftiglich eyn
fürst sey/vnnnd von des Tyrannen oder wütrichen
welchs des aller grausamst wild thier ist/bildnuß
wolt vffs ferst sein/ dagegenn wirt der eyn Rat-
freündt vnd günnner der fürsten genat/der sie durch
verferte ertziehung verderbt / der sie mit nerrischen
wenüg vergifft/ der sie durch schmeychlerey betreu-
gt/ der sie durch böse rete dem gemeynen folck abfel-
lig macht/der sie mit Kriegen vnnnd vnsynnigen en-
porung vnnnd vffrüren verwickelt / sie sagen des
fürsten ere sei gemert/wen seinem wütrlichen oder
tyrannischenn regiment etwas zügget/das ist / des
höchsten vbels ein grösser teyl/der muß eyn entwenn-
der des gemeynen schatz sein/der gern wolt daß den
abgedrungenen zollen etwas abgebrochen wurd.
Aber weil ein fürst drei güte ding hat domit er Got
der alleyn warhafftiglich Gott ist etlicher massen
eynlich / frümmikeyt / weißheyte / vnnnd gewalt /
solt der für des fürstenn freündt gehalten werden
der ynen der zweyen fürnemen güter beraubt/ als
nemlich der frümmikeyt vnnnd weißheyte / vnnnd ym
die gewalt alleyn lest / vnd dieselben auch nicht al-
leyn falsch vnd erticht/sondern auch nicht eygen

Iteman.

Des fürsten
feindt.

Der fürsten
freündt.

Merüg des
wütrlichen
regiments.

Des fürsten
drei güte dig
frümmikeyt.
Weißheyte.
Gewalt.

Gewalt.

Auslegung diß sprichworts

Dañ weñ nicht gewalt mit weißheit vnd frümikeit
vereynigt ist/ so ist sie eyn wütterlich regiment vnd
wesen/ vnd nicht eyn gewalt/ welche dennoch die be
willigung des folck wie sie gegeben/ also auch wyder
umb nemen mag. So doch in des mit im von dem
fürstenthumb vertryben/ die weißheyt vñ frümni
keyt als eygene güter ziehen. Gibt das leib vñ leben
daß man des fürsten wapen schmecht/ vñ die sollen
des soldt vnd belonung haben/ die sein gemüt ver
derben/ inen für frum̄ grausam/ für weißlistig/ für
mechtig eyn tyrannen oder wütricht machen. Eyn
todt ist dem zu wenig der sich vnterstanden hat des
fürsten trinck gefes mit gift zu vergiften/ vnd der
wirt belont der sein gemüt mit den allergifftigsten
vnd ferlichsten werung oder opinion verfür/ vñ
vergift/ vnd schier den gemeynen brunne des gan
zen gemeynen nutz vnd fürstentums mit der höch
sten beschwerung der ganzen welt vergift/ des für
sten ambt nennē sie ein herrschafft/ so es doch in der
warheyt nichts anders danñ verwalten ist den ge
meynen nutz. Sie nennen der könig schwegerschafft
ten vnter eynander/ vnd die bundnuß die man stet
tigs vernewen muß eyn vnterhaltung des Christlich
chen fryds/ so wir doch sehen auß diesen brunnen
schier alle krieg vnd ser vyl mißhellung vnd enpo
rung erwachsen. Das heysen sie eyn rechten krieg/
weñ die fürsten den gemeynen nutz auß zu schöpfen
vnd zü verderben/ vnter eynander irrig seint/ das
heysen sie ein fryd/ weñ die fürste auß ytz angezeyg
ter vrsachen mit eynander eynig seint/ do halten sie

Vergiffter.

Herrschafft.

fürstliche sch
wegerschafft
vñ bündniß

Eyn recht
krieg.

fryd.

Die Sileni Alcibiadis.

es für/das die herrschafft gemert sei/wen dem fürste
eynes stetlen oder zweyen titel zügangē ist/durch so
grosse schatzung vnd besteurung der vnterthanen/
mit so grossem blütuergiessen/mit so vyl witwen/
schafften/vnd mit so vyl kind vñ Elderloßhafften.
Der massen nennen sie auch die kirchen die pfaffen/
die bischoffen/vnd die Bēbste/so doch dieselben inn
der warheyt nichts anders seint dan der kirchen die
ner/aber die kirch ist das Christlich folck/welches d
herr Christus selbst nēnet die grossern / als welchem
sitzend / die Bischoffen dienē / die mitt dem dienst die
mindern vnd weniger seint / aber ut ander wege die
grössern / wen si dem herñ Christum eben wie mit d
nachfolgung der anerbung des ampts / also auch
der sitten / vnd des lebens nachfolgen / welcher herr
Christus wie woler was in alle weg eyn fürst vnd
herr aller mensche / hat er an sich genomen die gebür
des knechts / vnd nicht des hern / alle tonnersteyn
werdē wyder die abgeschossen / sie werdē auch feind
der kirchen / vñ schier auch ketzer genant / welche der
pfaffen beuttel vmb etlich pfenning bringen / das
ist war ich billich der beschedigung den geystlichen
zū gewādē nicht / vff das es nicht do hyn gedent vñ
gezogen wirt. Aber lieber weil man ye willen vnd
lust hat den feind der kirchen zū hassenn / wie möcht
doch eyn schedlicher / hefftiger vñ erger kirchē feindt
sein / dan ein vngotföchtiger bischoff. Wen etwas
der pfaffen gütern od zinsen ist abgebrochē / so schrei
en sie vberal die Christlich kirch werd vnderdruckt.
Wen die welt zū krieg erwegt wirt / wen durch das

Merüg des
fürstenthüß

Die kirch.

Kirchēfeindt

der ergst feid
der kirchen.

Auslegung diß sprichworts

Die beschwe-
rung der kir-
chen.

Zierung der
Kirchen.

Der recht ge-
win d kirchen

Gottflesterng

offentlich böß lebē d̄ geystlichē sonil tausent selē zūm
verdäp̄tnuß getzoge werde / so beweynt niemāts die
beschwerung d̄ kirchē / so doch so dan̄ die kirch warhaf-
tiglich beschwert wirt. So dan̄ nennen sie die kirchē
geziert / gemert / vnd geert / nicht wen̄ die gotsforcht
im folck zūm̄n̄p̄t / vñ wen̄ die vntugendt abnemē /
wenn die güten sitten gemeert werden / wen̄ die hey-
ligler starck ist / sondern wen̄ die altar von goldt vñ
edelgesteyn scheynen. Jha wenn die geistlichen das
selbig alles hindan gesetzt vñ vngacht / mit ligē
d̄ gütern / mit gesind / mit zierhafftigkeit / mit maul-
eslen / mit pferden / mit kostlicher erbauung der heu-
ser / oder aber mer / fürstlicher pallast / vñ andern
gereusch vñ vngestüme des lebens den fürsten
gleich seindt. Wir geliebt auch nicht in des der zūge-
dencken / welche der kirchen einkommen mit grosser
ergernuß des gemeinen folcks zū vngötlichē brauch
überschwenclich außgeben vnd verzere. Wenn
jnen an dem selben etwas zūgeeth / so frolocken wir
vñ heissen es die kirchen Christi gemert / so doch
der warhafftig vñ eynig gewyn der kirchen ist /
das zūnemē des Cristlichen glaubens. Das heissen
sie ein Gottflesterng wen̄ einer ein wenig vnerlich
von sant Cristoffel redeth / oder von sant Georgen /
vñ alle abler fabeln vñ merlen nicht dem Ewan-
gelien gleich achteth. Aber sant Paul heist das ein
Gottflesterng so offte sich durch die vncristliche sit-
ten der Cristen sich begibe / das der Christen namen
vnter den heyden vñ vngleubigen gemert vñ vn-
würdigt wirt. Dann was ist vermütlich die feynd

Die Sileni Alcibiadis.

Des Christlichen glaubens sagen / wenn sie in den euā
gelischen schriften sehen den herrn Christum vns zu
der verachtung der reichumber / zu der verzeihung
der wollust / zu der verschmehung der eren verma
nen / Vnnd dagegen widerumb sehen / das auch die
obristen vnnd herfürer des Cristlichen glaubens
ein solch leben führen / das sie mit der lieb / reichüber
zusammeln / das sie mit der scheinbarkeit vnd dem
pracht des lebē / das sie mit der freyheit des kreygs
vnnd schier mit allen andern sünden die heyden
übertreffen ! Ein vernüfftiger leser vermerckt wol /
was ich alhie schweyge / vmb eren willen des Crist
lichen namens / vnnd was ich bey mir erseuffte.
Was meinstu das sie für groß gelechter haben /
wenn sie sehen im euangelio / das Christus vnser
herr die seynen nicht mit cleydung / nicht mit eusser
licher erzeigung nicht mit essen getzirt / sondern ge
wölt hat / das die Christen durch dis tzeychen sol
ten vor andern erkent werden / wenn sie mit lieb mit
einander zusammen gefügt vnnd vereynigt werden /
vnnd folgend / sehen das wir so gar kein eynigkeyt
vntereinander haben / das auch nye keyn heyden
schafft wider vnerlicher noch ferlicher vnnd schäd
licher enporig vñ streytig gewest ist. Dañ es kreyge
ein fürst mit dem andern. Es streyt eyn stat mit der
andern / So ist ein schül mit der andern / noch ein
geystlich orden / als mans jetzo nenneth / nicht eynig
Bey vns seint alle ding foller gezent / partheyē vñ
vneinigkeyt / dis ist endlich die warhafftig Gottes
lesterung / welcher erger die seint die rechte vrsach gebē

Was zuuers
mitē / dz die
vnglaubigen
von den Chri
sten reden 2c.

Auslegung diß sprichworts.

Ketzerey. Nennen sie das Ketzerey / wenn eyner etwas sage
oder aber schreibe daß etlicher massen mit dē meyster
lichen setzen der heylig schriffter / auch in der grāma-
tica nicht vber eyntrifft: Vnd das ist nicht Ketzerey
daß eyner gleich als für eyn fürnemen teyl der men-
schlichen selikeyt das erhebt / das der herr Christus
selbst vor all lernet zūnerachten sein: daß eyner eyn
weise des lebens den gebotten des Euangeliums /
vnd der aposteln weise gantz entzogen vnd wydder
wertig einfürt: das eyner wyder die meynung des
hern Christi die Aposteln als sie außziehen wolten
**Das schwert
des geysts.** das Euangelium zū predigen / für das schwert des
geysts das mit abschneidung aller irrdischen zūney-
gung alleyn machet dz man des schwertes nicht be-
darff / mit dem schwert bewapent sich do mit wyder
die veruolgung zū weren / vnd ist keyn zweifel sein
meynung sey das vnter dem namen des schwerts
armbrost / büchssen / geschos / vnd ander kriegs rü-
stung begriffen werde. So beledt er sie auch mit der
taschen gelt dar in zū tragē / do mit inen ye nichts
mangel vnd gebreche / vnd will verstanden werden
durch den namen der taschen / alles zū der verschüg
dieses lebens dient / dan der groß Tyranus / vnd der
vylt soll vorgezogen werden Hieronymus biegen
sant Lucasen wort hie her / vñ diser wirt vnter den
grossen heylig schrifftern gefürt vnd angezogē. Ist
das eyn vnbüßlich vñ vnaußleschlich kirchen diep-
**Kirchen die-
berey.** stal wenn eyner etwas es sey was es mag auß der kir-
chen stilt / vnd wirt für eyn gering vbelthat gehalten
die armen vnd witwen ein lebendig kirchen Gottes

Die Sileni Alcibiadis.

schinden/berauben/betriegen vnd vnterdrucken &
welchs gemeyniglich von den fürsten vnd hern ge-
schieht. Ist der entweihet oder kirchenloß der mit ey-
nem streit/oder der vergießung des samens die kir-
chen verunreynnt hat/ vnd vns grawet nit vor dem
der eyn reyne vnd keusche iunckfrawe eyn kirchen
des heyligen geysts mit schmechlerey/ mit gaben/
mit verheyschüg/mit verkuplung verunreynnt/ver-
fürt/vnd entweihet & vnd der diß thüt wirt gemeyn-
niglich eyn feiner vnd weltlicher höflicher gesell ge-
nant. Ich verteyding vnd verantwort die vbel ge-
thete nicht/wie ich mich hienor auch bedingt hab.
Diß zeyg an daß das gemeyn folck die ding vyl hö-
her heldet der mit den augen gesehen werden/ danñ
die ding die so vil warhafftiger seint so vil weniger
sie gesehen werden. Die weihung der steynern kirche
syhstu/weil du die weihung des gemüts nit syhst/so
verachtestu sie. Die zierheyt der steynern kirchen zü
vnterhalten streitestu/ aber die gentze vnd erbarkeyt
der sitten züerhalten nymbt nyemandts das Euan-
gelisch schwert/welchs der herr Christus heyst auch
vmb das geldt des verkaufften rocks kauffen. Das
wirt die höchste geystlikeyt oder gottforcht genent/
wenn eyn der pfaffen vnd münchen oberkeyt vnd
güt züretten oder zü mern kriegt/vñ mit kriegsübli-
chen stürmen geystliche vnd weltliche ding/geweih-
te vnd vngeweihete durch eynander vermischet vnd
betrübt/vñ in des weil das goldt vñ güt der geystli-
che leben vñ pfründ/warlich dz allgeringst ding
erhalten vnd errett wirt/o wie eyn ser groß sintfluß

Eyn entweih-
er.

Krieg vñ we-
gen der geyst-
lichen leben.

8

Auslegung diß sprichworts

Krieg.

Warinn der
recht fürst =
lich pracht
steet.

Der gätzen gotforcht wirt zügelassen weil der Krieg
zügelassen ist/dann was vbelß vnd bösen dings ist
doch allenthalben das nicht der Krieg mit im brech-
te: Aber velleicht wirt mir der heymlich gedäch des
lesers einhalten/vnd sagen. Wohyn ziehen sich diße
stücker meynung: Wiltu den fürsten also gethon
sein/ als der Plato im büch vō dem gemeynen nutz
die hüter oder verwarer machet: Wiltu die pfaffen
vnd münchen der oberkeyt/ eren/güter/vnd reich-
tumb beraubt zü der Aposteln taschen vñ stab wy-
derumb erfordern: O güte wort/das wer eyn feine
meynung/ ich beraub sie nicht/ sondern bereich sie
mit gütern die besser seint dann diße/ich entsetz sie ni-
cht der gewere/sondern reytz vñ errege sie zü bessern/
lieber welcher vnter vns zwey meynet es am freunt-
lichsten vnd treulichsten mit des fürsten ere. Du/der
du wilt/im gebüren vnd zymen alles das im gefelt
vnd liebt/der du wilt in eyn tyrannē oder wütricht
nicht eyn fürsten sein/der du yn mit wollusten erfül-
lest/der du ynen der zerhaffteyit ergibst/der du in
eyn eygen ergebenen man vñ knecht aller begierlich-
keyt machest/der du yn wilt nicht weiser vnd ver-
nüssfziger sein dan ein yeden gemeynen man/der du
ynen beschwerst mit den dingē die auch bei den hey-
den allezeit brechtlich gewest ist züuerachten. Oder
aber ich der ich beger eyn fürsten Gott/ des bildnuß
er trege souyl es möglich ist vffs eynlichst sein/ mit
weißheyit welchs das eygē lob vñ tugent der könige

Die Sileni Alcibiadis.

ist/die andern vbertreffen/von allen vnerlichen be-
wegung vnd Franckheyten des gemüts/durch wel-
che das grob vnd gemeyn folck geführt vnd gezogen
wird/ferr sein/sich ob keynē gemeynem ding verwün-
dern vber die reichthumb sein/vnd endlich daß im
fürstentumb regiment vñ gemeynen nutz sein/daß
im leib das hertz/vnd das Gott in der gantzen welt
ist: Welcher vnter vns zweien ermyßt am warhaff-
tigsten/des Bischoffen wird/du der yn mit irrdi-
dischen reichthumben beschwerest/mitt vnreynem
vnd gemeynen vnerlichen sorgen bestrickst/vñ mitt
sturmwinden der Friege verwickelst. Oder aber ich/
der ich beger den Stathalter Christi vnd den bewa-
rer der hymlichen braut von dē giffte des erdtreichs
vffs reynst/vñnd souyl es möglich ist/dem des stat
erheldet vffs eynlichst sein: Die Stoici vermeynen
eyn frummen man sein dan der nicht Fräckheyt des
gemüts habe/nün nennen sie die begyrden oder be-
wegung Franckheyt des gemüts. Demnach zymbt
vylmer den Christen/von denselben frey seint/aber
am allermeysten gebürt es dem fürstern/aber mer
dan vffs allermeyst eynem fürsten vñnd vater der
Kirchen/das ist eyn hymlichen fürsten eynes hym-
lichen folcks. Ich will eyn priester regiren vnd her-
schen/aber diese weltliche oberkeit halt ich für vnwir-
dig daß eyn hymlich man damit beladen werde.
Ich will daß eyn Babst triumphir vffs aller serst/
aber nicht mit dē blüt vergiessendē triüphen welche
d bößhafftig Darius/welche d Julius gehalten hat

Der bischoffs
fen rechte
wird.

Auslegung diß sprichworts

die so schñöd vñ eitel gewest seint/dz si mit schimpf
reden der straffpoeten angefochten vñd gestrafft
werden/welche so der Democritus gesehē hett er sich
als ich glaub zu todt gelacht hett/ sondern ich will
inen warhafftig brechtliche vñd zwölffbödische tri
umph fürē/ welcher massen sant Paul eyn vyl bre
chtlicher kryegsman vñd haubtman dan der groß
Alexander beschreib/ vñd gleich als sein selbst eygē
lobgesang rüme / vñ sagt/ in ser vyl arbeyten/ vber
flüssiger in gefencknußen/ in schlegen vber die maß/
in todten stetig / von den jüden hab ich zu funffma
len neünunddreißig schlege entpfangen/ bin zu drei
en malen mitt gerren gestrichen worden. Bin eynst
mitt steyn geworffen worden/hab zu dreimaln schif
brechung erlytten/ ich bin nacht vñd tag inn der
teüß des meers gewest. Dfft vffreyßen / inn ferlich
keyten der wasser / inn ferlichkeyten der rauber/inn
ferlichkeyten auß dem geschlecht / inn ferlichkeyten
auß den fólckern / inn ferlichkeyten inn der stat/inn
ferlichkeyten in der wüstnung/ in ferlichkeytē vffm
meer/ in ferlichkeyten in falschen brüdern/ in arbeyt
vñd engsten/ in vyl wachen/ in hunger vñd durst/
in vil fasten/ in kelde vñd blöße/ vñd darüber auß
wendig/mein teglich sorgfeldickeyt für alle kirchen.
Wer ist schwach / vñd ich bin nicht schwach / wer
wirt nicht geergert vñd ich verbrenn mich nicht
Vñd wyderumb eyn wēnig oben/sagt er. Wir sol
len vns selbst inn allen sachen erzeygen als gottes
diener / inn vil gedult/inn anfechtung/inn nöten/

Die Sileni Alcibiadis.

inn engsten/inn schlegen/inn gefencknußen/ in en-
porung vnd vffrüren/inn arbeyten/inn wachen/
inn fasten/in keuscheyt/in kunst/in langmütikeyt/
inn lieplicheyt / im heyligen geyst/ inn vnerrichter
lieb/ im wort der warheyt/ inn der stercke Gottes /
durch den harnasch zü der rechten vnd lincken /
durch glorien vnd vnadel / durch vner vnd ere /
als die verführer vnd warhafftigen / als die bekant-
ten vnd unbekanten. Als die sterbenden vnd ne-
met war wir lebenn/ als die casteyten vnd nicht er-
töten / als die traurigen vnd allerzeit frölich/ als
die dürfftigen / aber die vyl leüt reich machen / als
nichts habende vnd die alle ding besitzen / syhstu
was es für zierheyt vnd Fley nat des Kriegs/ was
für eyn syg / vnd was es für eyn apostolischer tri-
umph ist. Das ist die glorien vnd ere bei welcher
sant Paul zü weilen gleich als bei eynem heyligen
ding teür schwert. Das seint die redliche gethete für
welche er verhofft die ewigen Kron verordnet sein /
die sollen sich nicht beschweren / der apostolen füß-
stapffen zü wandern/ die sich der apostolen statt ge-
walt/ vnd ampts vnterwinden/ ich beger die Bes-
ste vnd Bischoff vffs reichst sein/ aber mitt dem E-
wangelischem perlen / aber mitt den hymlichenn
reichtumben / welche ye milder sie in allemenschen
ergießen ye mer sie selbst der selben werden haben /
vnd haben nicht zü besorgen daß die milde durch
die milde verging vnd verdürb / ich will sie vffs all-
er gerüstest sein / aber mit apostolischem harnasch

Wie die Bes-
ste vnd Bis-
choff sein sol-
len.

Auslegung diß sprichworts

Die rechten
feynd der Cri-
stenheyt.

Die rechten
Türcken.

Die rechten
reychtumber
des Babst.

als nemlich mit dem schildt des glaubens / mit dem panzer der gerechtigkeit / mit dem schwert des heyls oder der seligkeit / das do ist das wort Gottes. Ich will sie vffs aller kriegigst sein. Aber widder die warhafftige feyndt der kirchen / den geistlichen wucher / hoffart / vnkeuschheyt / ergeitz / zorn / vngotssorcht. Diser Türcken sollen die Christen allezeit gewarnemen / vnd sie allezeit bekriegen. Zu solchen kriegen soll ein Bischoff ein erregere vnd hauptmann sein. Ich will die priester in einem grossen ansehen sein / Aber nicht von wegen eynes tyrannischen vñ wüterlichen gereusches / sondern durch fürtrefflichkeit der heiligen leer / sondern durch fürneme tugent. Ich will sie ernwürdig sein / aber von wegen der erbarkeit vnd der strenge des lebens / nicht vmb der titel / oder der prechtlichen cleydung willen. Ich will sie geforcht werden. Aber nicht als tyränen / sondern als vetter. Ich will sie überflüssig haben wol lust. Aber mit fürtrefflichen wollusten / vnd die vil lieplicher seindt / dann das gemeyn kenneth. Wiltu hören die richtumber des warhafftigen Babsts vnd obristen Bischoffs / Hör den nechsten nach dem fürsten der Bepste. Ich hab weder goldt noch sylber. Aber das ich hab / das gib ich dir. Stee vff im namen Jesu vnd wander. Wiltu hören die ere des Apostolischen vnd Bischofflichen namens / die alle titel / alle gestalt / bildnüss / vnd leib

Die Sileri Alcibiadis.

zeychen übertrifft / Hör sant Paul ein warhafftig-
lich hochberümpften man. Wir seint Gott an allen
örtern ein güter geruch. Wiltu hören mer denn ein
königliche gewalt. Ich vermag / sagt er / alle ding /
indem der mich sterckt. Wiltu hören die glorien
vnd ere / Ir seynt mein freund / vnd mein Fron
indem hern. Wiltu hören die titel / die einem
Bischoff rümlich vnd erlich seindt / vnd die war
hafftige vnd rechten cleynat der Besten / Der selb
big sant Paul / kuntherseyeth dir sie ab / messig /
nüchtern / gezirt / clug / keusch / der gern herbergt /
Ein lerer / nicht ein weintrincker vnd seuffer / nicht
ein mörder / sondern messig / demütig / nicht zenc
fisch / nicht gewinbegirig / nicht new im Cristlichen
glauben / der auch bey den vnglaubigen ein güte ge
zeugnuß hat / auff das er nicht in ein schand falle /
vnd in den strick des teufels. Schaw zu mit was
zierheiten der Moyses den obristen priester Aaron
ziert / mit wasser reichumb er in schmückt / mit wasser
farb er inen austreicht / mit was mancherley schey
nenden edelsteynen er inen erleuchtet / mit was
grossen schein des goldts er inen außbutzt. Vnd
so du auß des Origenis / vnd Sanct Hierony
mus außlegung erfereest / was sie bedeuten / so wir
destu warlich vermercken / was für ein hausrat die
warhafftiglich grossen bischouē inen zeugen sollen.

Die recht ere
des Bischoffs
liche names.

Die recht kö
niglich ge
walt.

Die warhaf
tig ere.

Die rechten
titel der Bi
schoff vnd
bestliche cleyn
nat.

Auflegung diß sprichworts.

Wem die bes-
bste nachvol-
gen sollen.

Es seint vff
difer welth
gleich als
zwo welt.

Welchen sollen die Beste billicher mitt yrem leben
eynlich vnd gleich seint/ dann die sie' mitt dem pley-
antzeygen/ dann den sie mit den titeln eynlich seint/
dann der stat sie halten? wie solt mer gebüren dem
stathalter des hernn Christi den Julijs / den Alex-
andris / den Creses vnd Kerses / die nichts anders
dan grosse rauber gewest seint / dan dem hernn Chri-
stus: wem solten die nachkommen der zwölffboten
billicher nachuolgend dan dem obersten zwölffboten
Der herr Christus hat öffentlich verneynt sein reich
difer werlt sein/ vnd du lest dich beduncken es gebür
sich daß der nachkomen Christi nicht alleyn die welt
lich oberkeyt zulasse / sondern auch darnach stee vñ
tracht / vnd derhalb wie man sagt keyn steyn vner-
regt lassen? In difer welt seint gleich als zwo welt/
die inn alleweg an eynander entgegen seint/ die eyn
ist grob vñ leiplich / die ander hymlich / bereyt zum
teyl sich befließend vnd vber das tzu sein das sie
künfftig sein wirt. In der ersten welt ist der erst vnd
fürnembst / der von den warhafftigen gütern vffs
seerst gesunder / vnd mit den falschen vnd ertichten
beladen ist. Als eyn heydnischer König vbertriff die
andern alle mit vnkeuscheyt / mit zerhafftikeyt / mit
hoffart / mit reichthumben / mit rauberey / vnd wirt
also für den fürnembssten gehalten / wenn der meyst
teyl des vnflots inn ynen fleust / vnd der weißheyt /
der messigkeyt / der reynickeyt / der gerechtickeyt /
vnd der andern ding die warhafftiglich güte seint
am wenigsten. Dagegen in dem so der höhst vnd
obrist ist / eben als er mit den gemeynen vnd groben

Die Sileni Alcibiadis.

gütern am wenigsten befleckt ist/ also ist er von den
warhaftigen vñ himlischē gütern am aller reichstē
Weiter/ warumb wiltu ein Christlichen fürsten dz
sein/ das auch die heydnische philosophi ellezeyt ver
dampft vnd veracht haben? Warumb setzestú sein
fürstlich ere in den dingen/ welche verachten das al
lerfeinst ding ist? Warumb beschwerestú den engel
gots (den also wirt der bischoff in der heiligē schriftē
genent) mit den dingen die auch einē frummen mē
schen vnürmlich vñ vneerlich seindt? Warumb ach
testú inen nach den reichumben/ von welchen die
rauber reich/ vñ welchen die tyrānen oder wütrichē
groß seindt? Ein priester ist ein sunlich ding/ vñ
etwas grössers dann ein mensch. Desselben höhe ist
nichts würdig/ es sey dann himlisch. Warumb vn
erestú sein wird mit gemeinen geringē dingē? Wa
rumb befleckstú sein reynigkeit mit weltlichē vnrey
nigkeit vñ vnflot? Warumb lest du inen nit mit
seiner obrigkeit mechtig sein? Warumb gestatestú
nit inen mit seinem adel/ edel? mit seiner maiestat
ernwürdig? mit seynen reichtöbern reich? Der himē
lich geist hat inen auß dem himelischen leichnam/
welches die kirch oder Christenheit ist/ zu den aller
höchsten dingen erwelt vñ auserlesen. Warumb
zeuchstú inen zu den vnsonnigē vngesümmigkeit der
amptleut? Sant Paulus berümpft sich/ das er ab
gesündert sey. Warumb dunckstú mein Bischoff
mitten in den vnflot des allergeringsten folcks?
Warumb ernydderstú inen zu den sorgfeldigkeiten
der wücherer? Warumb zeuchstú den götlichen mē

Ein Cristlich
fürst.

Ein Bischoff.

Ein Priester.

Auslegung diß sprichworts

Reich Bābſt

ſchen zū ſolchen geſchefften die kaumeth einem men/
ſchen wol anſteem? Warumb ſcherzeſtu die ſeligkeit
der Chriſtlichen prieſter nach den dingen/die der De
mocritus/als die allernerrichſte belacht/der Hera
clitus als die aller ellendeſte/vñ vnſeligſte beweint?
Der Diogenes als die nichtigē veracht/der Crates
als die beſchwerlichen von im geworffen/vñnd die
heiligen als die todeſchedlichen vñd vergiffen alle/
zeit geflohē haben? Warumb achteſtu ſant Peters
nachkommē nach den reychtumben die ſant Peter
rūmeth ſich nit haben? Warumb wiltu die apoſto
liſchen fürſten durch die zierheitē groſß gehalten wer
den/durch welcher verachtung die apoſteln ſeindt
groſß geweſen? Warumb nēneſtu das ſant Peters
Patrimonium oder erbgūt dz ſant Peter berūmbt
ſich nicht haben? Warumb meyneſtu das die ſtat
halder des herren Chriſti ſollen mit reychtumben
verwickelt werden/welche der here Chriſtus ſelbſt
dorn genent hat? Warumb überſchütteſt du den
mit reychtumben/des eben als das eygen/also das
fürnem ampt iſt den ſamen des göttlichen worts
werfen. So doch das wort Gottes durch die reich
tumben am meiſten erſteckt wirt? Warumb wiltu
den lehrer vñnd richter der billichkeit dem vnrechten
gūt dienen? Warum macheſtu den verwalter der
himeliſchen ſacrament zū einem ſcheffner vñnd ver
ſorger der allerſchñdiſten ding? Die Chriſtlich welt
iſt von im gewertig des fürters der heiligen ler/iſt ge
wertig des heylbringendē rats/iſt gewertig des ver
terlichen troſts/iſt gewertig des exempel vñd vor

Die Sileni Alcibiadis.

bildes wieman leben soll? Warumb stest du den in
das gefencknis der gemeinen forge/ der zu so hohe
dingen verordent ist/ vñnd beraubst zu gleich den
Bischoff seiner wird/ vñnd das folck des Bischoffen?
Der herr Christus hat sein eygen reich/ vñnd ein vil
fürtrefflicher dann das es mit dem heydnischen vñ
vncristlichen reich/ oder aber das ich warhafftiger
rede/ mit der tyranny vñnd dem wüterliche regimēt
soll beslekt werden. Es hat sein pracht/ es hat seine
reichtumber/ es hat seine lust. Warumb vermischē
wir so widerwertige ding vntereinander? Warum
mengen wir die irdische vnter die himelischen/ wa-
rumb die nidersten vnter die höchsten/ warumb die
Heydnische vnter die Cristlichen/ warumb die welt-
liche vnter die geweyhte vñnd geistliche ding? Souil
vñnd so grosprechliche gaben seint des allerreichsten
vñnd aller gütigsten geists/ Die gaben der zungen/
die gaben der prophetzey oder weissagung/ die gabe
der gesundheit/ die gaben der kunst/ die gaben der
weißheyt/ die gaben der lernung/ die vnterscheyd der
geyst/ die ermanung vñnd trostung. Warumb chü-
stu zu disen heiligen gaben die weltliche gaben der
welt? Ich hett schier gesagt. Warum vertylgestu sie?
Warumb vnterstest du dich den hern Christum mit
dem teufel/ den Belial mit des hern Christi geyst zu
uerfüge vñnd vereinige? Wie reymt sich der Bischoffs
hüt mit dem helm/ wie die forkappen mit dem kriegt-
schen pantzer/ wie die segen mit den büchsen wie der
aller gütigst pastor oder hirt mit den bewapenten
raubern/ wie die priesterschafft mit dem krieg/ Wa

Auslegung diß sprichworts

rumb zerstört der mit Kriegsrüstung die stette der die
schlüssel der himel hat. Wie zimpt sich den ein haupt
sacher des kryegs sein der das folck mit dem fridse
gen grüßt. Mit was mund wirt der das Cristlich
folck lernen die reichumber zuuerachtē / der all sein
fürnemen vnd sachen vff das geld stellt / Mit was
scham wirt der lernen / das der herr Christus gelernt
vnd erzeigt / das vns die zwölff boten so oft fürtra
gen vnd einbilden / das man dem übel nicht sol wi
dersten / sondern das man die bößheit der bößhaßti
gen soll mit der frumkeit überwinden / beleydigung
mit wolthath vergleichen / den feindt mit güttaten
überschütten / der von wegen der oberigkeit eynes
stetlens / oder eynes saltzolls die gantz welt mit v̄
ungewitter der krieg regig macheth / Wie wirt der
ein hauptman oder heersfürer sein zu dem reich der
himel (dann also nenneth der herr Christus sein kir
chen) der gantz ist in dem reich der welt. Aber du bist
ser gotfförchtig / du wilt die kirchen schmücken vnd
begnaden / mit dem zügang der reichumber. Ich
lobt es / weñ der zügang nicht souil anhangs böser
ding hett. Weñ du ein herschafft hast gebē / so hastu
auch gebē die sorgfeldigkeit gelt zu samlen / so hastu
geben ein tyrannisch gesind / bewapente heerkunt
schaffter / pferde / maulesel / trumeten / krieg / hauffen
ermördter leuth / triumph / auffrür / bündtnüß /
schlacht / vnd kurtzlich / alle die ding / on welche / ein
herschafft nicht mag regiert vnd verwalt werden.
Wenn gleich einer das gemüt vnd willen hett /
wenn hat er souil müß / zeit / vnd raums / sein apo

Die Sileni Alcibiadis.

stolisch vnd Bischoflich ampt zütreiben vnd thün:
dāñ souyl tausent sorgen anderswo hyn ziehē / weil
man mustert / weil mā die Kriegfleūt annimbt / weil
die in vnterthenigem gehorsam erhalten werden die
abfallen wöllen / weil die feindt begegē weil die scho
losser beuestet / weil bündnuß vffgericht vnd zer
rissen / weil die gestrafft die sich gegen dem gehorsam
sperrē / weil rechnung gehöret / weil weltliche botscha
fft gehandelt / weil die freund zü eren erhabenn / weil
die vertryben werden / die do geheysen werden den
glückhafftigern statt zügeben / weil andereding ges
scheen / der mich nit belustet zügedencken / vnd den
nach bescheen müssen: Heldestu es auch dafür daß
der verstee des Babsts vnd der Cardinel fürtrefflich
kēyt / der sie vom gebett do mit sie mit Gott reden / vō
der heyligē beschawlichkēyt do mit sie vnter den en
geln wonen / von den allerlustigsten weisen der göt
lichen schrift vff welchem sie vffs seligst spazirn /
von dem apostolischen ambt zü predigen do mit sie
dem hern Christus am eynlichsten seint / halten zü
diseim vnflot der ding züziehen: soll man es da für
achten daß es der güte vnd treulich mit inen meyn
ne / der do begert sie von so grosser selikēyt vnd stille
des lebens das sie gehabt haben / zü disein beschwer
lichen arbeyten / vnd zü disein vffrünn der ding ges
zogen werdenn: Dann nach dem das Reich an ym
selbst vnendlichen arbeytē vnterworffen ist / so geet
es auch den pfaffen vnd andern geystlichen vyl vn
glücklicher ab dāñ den leyen / vnd gemeinglich auß
zweyen vrsachen. Zum teyl daß das gemeyn folck

Auflegung diß sprichworts

inn dißer art lieber den leyen dan̄ geystlichen gehorsam ist. Zum teyl darumb daß die leyen als der herrschafft yr kinder erben werden / sich befließen dieselben vffs wolstendigst vnd stathafftigst zū machē. Aber die geystlichen dagegen / eben als sie lancksam vnd gemeyniglich aldt an das regiment kommen / also weil sie ynen selbst vnd nicht yren erben zū güt regirn / schinden sie mer dan̄ sie zieren / schmucken / vnd mern. Eben also wer inen eyn beüt / vnd nicht ein Landt vnd ampt fürgelegt. Zū dem das wenn eyn ley regiret / so hat man vülleicht nür eynst vmb die herrschafft zū kriegen / eynst zū erheben vnd reichen die den der fürst gnedig ist. Wo aber pfaffen regirn / do ist stetigs ein newer streit / die der gewer zū entsetzen die sein vorforder erhaben hat. Vnd seint andere vnd andere new leüt die mit des gemeynen folcks beschwerung sollen reich werdē. Weiter so ist diß auch etwas / daß das folck des herrschafft vñ regiment leichter tregt vñ erleidt / des es nün gewont ist / wenn er gleich hart regirt. Vñ wenn er gleich stirbt / so wirt er doch nochmals in seinē son der inen erbt / für lebendig gehalten / vnd das gemeyn folck bilde ym selbst ein als wer er nicht inn eyn andern verandert / sondern gleich denselben vnd vorigen im wyderumb vernewerth / so pflegen die kinder gemeyniglich den eldtern gleich vnd eynlich mit den sitten zū sein / beuor wenn sie von inen vnterweist seint / wyderumb wenn ein fürstenthumb oder herrschafft den geystlichen beuolen ist / so volget gemeyniglich eyn schnelle vñ gehliche verandering aller ding / zū dem

Die Sileni Alcibiadis.

Das der ley an das regiment tritt bedacht / geübt /
vnd auß der wiegē her vnterweist / aber in der geyst
lichkeyt wirt oft eynem eyn herrschafft wyder aller
menniglich hoffnūg / also dem den die natur zū den
rindern geborn hett / das spiel des glück zum fürsten
thumb erhebt / endlich so ist es nit wol möglich das
eben als Hercules gegen zweyen wilden grausamē
wyder natürlichen thieren / also eyn eyniger zwey al
lerschwerste regiment zū uerwalten gnügsam sey.

Das allerschwerst ding ist eyn frūmen fürsten sein /
od geben / aber wyl eyn feiner ding / aber eyn schwe
rer ding ist es ein frūmen pfaffen sein / wie dan endt
lich das beydes ? Auß nit von not wegen dar auß
erfolgen / das in dem das sie sich beyder stende vn
terwinden vnd anmassen derselben beyden keynem
gnüg vnd recht thūn ? warlich mich betriegen den
mein sinū / doher kumpt es / das nachdem wir sehen
der leyen vnd weltlichen kōnige Stete vō reichum /
bern / geb önden / vnd manschafft mer fast wolsteen /
der geystlichen Stete vbel steen vnd verfallen / der
halbē war zū hat man des zūgangs diser ding be
dürfft / welchen so vyl beschwerung nachfolgend ?
Hastu sorg das der herr Christus werd nit mechtig
gnüg sein / durch sein eygene reichumber / im teyle
den eyn weltlicher oder leyischer tyran vñ wütrichs
erwas von seiner gewalt mit. Heldestu ynen zū we
nig geschmückt / im gebe dan zū / das ist im streyche
den an von seinem hohmüt / der weltlich kriegsmar
golt / den seidensticker / weisse walacher / vnd vyl kne
chte oder trabenten / wirt der für zū wenig prechtig

Eyn frum
fürst.

fürst vñ prü
ster in eynē
bauch.

Auslegung diß sprichworts

gehalten/ er müge dan die fleynath gebrauchen/ der
sich vmb neidts vñ vnglimpffs willen der aller eer-
geizigst Julius gewegert vñ gewert hat! Weldestu
jnē für verechtig er sei den mit d̄ weltliche her schafft
beladen/ welche her schafft so er ym selbst zu nutz vñ
güt regirt so ist er eyn tyran vnd wütrich/ verwal-
tet er sie aber dem gemeynen nutz/ land vnd fursten-
tumb zu gedeien/ so ist er der aller geschafftigst. Laß
die weltlichen yr weltliche ding haben/ das inn dem
Bischoff das allernidderst ding ist vbertriffet den
gybel vnd die oberst höhe des keysertumbs vñ für-
stentumbs/ ye mer du von den gütern der welt zu le-
gest/ ye weniger wirt der herr Christus von den sei-
nen mitreylen/ ye reynere er von den weltlichen gü-
tern er sein wirt/ ye vberflüssiger er wirt mit den göt-
lichen gütern gereycht werden. Syhstu nun/ als ich
meyne/ wie sich die sach so gantz verandert/ wen du
den Silenus umbkerest? die man hat gehalten für
die grösten günter des Christlichen fürsten dieselbe
befindestu für die grösten verreyter vnd feinde des
fürsten/ die du hertest gesagt des fürsten ere vertre-
ten/ befindestu von ynen vngeert vñ gelestert werde
Doch sag ich diß nit dz ich meynet vñ hildte daß mā
den geystlichen mit gewalt nemē solt/ die oberkeit vñ
reichumber so siemit ichtē bekōmen habē / aber ich
beger sie jrer grosse mitwissen vñ eyndechtig zu sein/
vff dz sie diße gemeyne/ het schier gesagt/ heydnische
ding entwer selbst ablegē/ vñ den geringsten lassen
volgē/ od̄ aber vffs wenigst mit verachtig besitzē/

Die Sileni Alcibiadis.

Vnd wie sant Paul sagt / Sie also haben also hetten sie die nicht. Folgend will ich sie auch also mit des herren Christus reichthumben begabt vnd versehen sein / das alles das / so inen auß dem pracht dieser welt zügeth / entwer durch das liecht der bessern verdunckel / oder aber auß der geghaltung für vnreyn gehalten werd. Also werden sie die güter so sie habē sovil dester seliger besitzē. Je mit weniger sorg / feltigkeit sie es thun. Dann sie werden nit mit forcht bekümmert werdē / das inen jemannts sie selbē neme. So werden sie auch nit vmb hinfellige / irrdische / vnd geringe ding mit so grosser auffrür fechten. Wenn inen irgents abgen wirt / zü letst werden sie irer güter nicht beraubt werden / wenn sie lust vnd freyd haben / mit frembden gütern reich zü werden. So werden sie auch das Euangelische perlen nit verlieren / weil sie nach den glesern / edelsteinen der welt trachten. Das ich in des das vnterlasse / das die ding / so wir wellen veracht werden / dester überflüssiger zügeen werden / wenn sie veracht werden / vnd weren eerlicher den fliehenden nachfolgen / den von den nacheylenden erwischt werden. Dann woher seint die reichthumben der kirchen erwachsen / denn allein auß der verachtung der reichthumben / woher die ere / dann auß verachtung der ere / Die leyen werden dise ding am liebsten geben / wenn sie sehen dieselben veracht werden von den / die sie für die vorstendigste halten. Villeicht muß man zü weilen auch böse fürsten leiden / vnd inen den zü eren etwas nachlassen / dero stat halden sie gacht werdē.

Auslegung diß sprichworts/
Die Sileni Alcibiadis.

So muß man auch etwas dem titel vnd namen nachgebē. Man soll sich der artzney nie vntersteen die weiß ich nit ab vnglücklich fürgenommen zu einem beschwerlicheren verderben reicht. Aber wie übel es in des vfferden steet vnd zügeeth/weil die/dero leben allen menschen solt für ein wunder sein/also gethan vnd gesitt seindt/das inen die allerbösten anhengig seint/vnd die frummen sich darob bekümmern/vnd ersuffzen/vñ dero gantz ere vñ wird/entwer von der bösen gunst/oder vō der mittelmessigen demüt/oder der einfeltigen vnersarüg vnd vnwissenheyt/oder aber von der frummen gedult herfleußt Iha welche die zwoytracht des gemeynen folcks lebendig erheldet/welche kein ander ding dann vneynigkeit der vntertanen großmachtet/der glückseligkeit durch die gemein vnseeligkeit ernert wirt. Aber wo hat mich der lauff der rede hin gezogen? also/das ich der ich mich bekent hab zu einem sprichwort beschreiber/angefangen habe/ein prediger zü sein/Warlich in ein so nüchtern disputation vnd red hat mit der truncken Alcibiades zu seinen Silenis geführt. Aber mich wirt diser irr vnd feylgang nit gerewen/so das ihenig das zu der auslegung der sprichwort nicht dient/zü der besserüg des lebens dienstlich ist Vnd das zu der ler nicht fürderlich ist zü der gotssorcht diene/Vnd das zu den fürgenommen werck wirt geacht für vndienstlich zü der sach/zü dem fürnemen des lebens nutz/bequem vnd fürtreulich sey.

Wie endeth sich das sprichwort
Die Sileni Alcibiadis.
Gedruckt in Jar so mā
zalt nach Chris
sti geburt
M. v^c. xx.



Faint, illegible text, possibly bleed-through from the reverse side of the page. A small, dark mark resembling the number '62' is visible in the lower center of the text area.



Cl 2160

g¹_u

1519

8



Q 2160. 84

X 2202/17



24.



